



Մ ՈՒՐՐ Զ ԱԿՈՐ

ԱՌԱՋՆՈՐԴԱՆԻՍ ՄԱՅՐ Ե ԿԵՂԵՅԻ

Հոգեգալուս

20 ՄԱՅԻՍ 2018

Կիրակնօրեայ Ընթերցումներ	Էջ 1
Ազատութիւն	Էջ 2
Ծանուցում	Էջ 4

ԸՆԹԵՐՑՈՒՄ

«ԱՌԱՔԵԱԼՆԵՐՈՒ ԳՈՐԾԵՐԸ»

ԳԻՐՔԷՆ

(2.1-21)

Երբ Պենտէկոստէի օրը հասաւ, բոլոր հաւատացեալները միասնաբար մէկտեղուած էին: Յանկարծ սաստիկ հովի մը սուլոցին պէս ձայն մը հնչեց երկինքէն եւ լեցուց ամբողջ տունը ուր անոնք նստած էին: Յետոյ անոնք հրեղէն լեզուներ տեսան, որոնք տարածուեցան եւ հանգչեցան իւրաքանչիւրին վրայ: Բոլոր ներկաները Սուրբ Հոգիով լեցուեցան եւ սկսան տարբեր լեզուներ խօսիլ, ինչպէս որ Հոգին խօսիլ կու տար:

Այն օրը Երուսաղէմ քաղաքը լեցուն էր բարեպաշտ հրեաներով, որոնք աշխարհի չորս կողմերէն եկած էին: Երբ այս ձայնը լսուեցաւ, մեծ բազմութիւն մը եկաւ խոնուեցաւ այնտեղ եւ բոլորը անակնկալի եկան, որովհետեւ կը լսէին թէ ի՛նչպէս անոնք իրենցմէ իւրաքանչիւրին լեզուով կը խօսէին: Ամէնքն ալ սքանչացումով եւ զարմանքով կ'ըսէին իրարու. «Այս խօսողները բոլորն ալ գալիլիացիներ չե՞ն միթէ. ի՞նչպէս կ'ըլլայ որ մեր ծննդավայր երկիրներու լեզուներով կը խօսին, ինչպէս ահաւասիկ կը լսենք: Զէ՞

որ ահա մեր մէջ կան պարթեւներ, մարեր, ելամացիներ, միջագետացիներ, հրեաներ, կապադովկիացիներ, պոնտացիներ, ասիացիներ, փոիւգիացիներ եւ պամփիլիացիներ, եգիպտացիներ, Կիւրենիայի շրջանէն լիպիացիներ, Հռոմէն եկած հրեայ եւ հրէուլթեան դարձած այցելուներ, կրեոացիներ եւ արաբիացիներ: Եւ ահա բոլորս ալ մեր լեզուներով իրենցմէ կը լսենք Աստուծոյ մեծամեծ գործերուն մասին»: Ապշահար, անոնք զարմանքով կը հարցընէին իրարու. «Ի՞նչպէս կարելի է բացատրել ասիկա»: Իսկ ոմանք կատակելով կ'ըսէին. «Նոր գինիով գինովցած են»:

Այն ատեն Պետրոս տասնըմէկ առաքեալներուն հետ ոտքի ելաւ եւ բարձրաձայն սկսաւ անոնց խօսիլ. –

«Ո՛վ հրէաստանցիներ եւ դուք որ հիմա Երուսաղէմ կը գտնուիք. իրականութիւնը գիտնալու համար լսեցէ՛ք ինչ որ պիտի ըսեմ: Դուք կը կարծէք թէ ասոնք գինով են. բայց այդպէս չէ, որովհետեւ առտուան ժամը ինն է դեռ: Մինչդեռ ասիկա կատարումն է Յովելի մարգարէութեան որ կ'ըսէ.

“Այնուհետեւ երբ վերջին օրերը գան, – կ'ըսէ Աստուած, – իմ Հոգիս պիտի թափեմ բոլոր մարդոց վրայ. ձեր տղաքն ու աղջիկները իմ պատգամներս պիտի փոխանցեն ձեզի, ձեր երիտասարդները տեսիլներ պիտի ունենան եւ ձեր ծերերը երազներ պիտի տեսնեն:

Այն օրերուն իմ Հոգիս պիտի թափեմ նաեւ իմ ծառաներու եւ

Երկինքի բարձունքին վրայ հրաշքներ պիտի ցուցնեմ, եւ նշաններ՝ վարը երկրի վրայ.

աղախիցներուս վրայ, եւ անոնք եւս իմ պատգամներս պիտի փոխանցեն ձեզի:

Երկինքի բարձունքին վրայ հրաշքներ պիտի ցուցնեմ, եւ նշաններ՝ վարը երկրի վրայ. աշխարհ արիւնով,

կրակով ու թանձր ծուխով պիտի լեցուի, արեւը պիտի խաւարի եւ լուսինը արիւնի գոյն պիտի առնէ, եւ ի վերջոյ պիտի հասնի Տիրոջ մեծ եւ ահեղ օրը: Այն ատեն ով որ Տէրը օգնութեան կանչէ՝ պիտի փրկուի»:

ՅԻՍՈՒՍ ՔՐԻՍՏՈՍԻ ԱՒԵՏԱՐԱՆԷՆ ԸՍՏ ՅՈՎՀԱՆՆԷՍԻ

(14.25-31)

Մեր Տէրը Յիսուս Քրիստոս կ'ըսէ.-
«Այս բոլորը խօսեցայ ձեզի, քանի տակաւին ձեզի հետ եմ: Բայց Մխիթարիչը՝ Սուրբ Հոգին, որ Հայրը ձեզի պիտի ղրկէ իմ անունովս,

իմ խաղաղութիւնս է որ կու տամ ձեզի, որ այս աշխարհի տուած խաղաղութեան տարբեր է:

ան ձեզի ամէն ինչ պիտի սորվեցնէ եւ յիշեցնէ ինչ որ ես ձեզի ըսի: Խաղաղութիւն կը թողու՞մ ձեզի. իմ խաղաղութիւնս է որ կու տամ ձեզի, որ այս աշխարհի տուած խաղաղութենէն տարբեր է:

Մի՛ խռովի՛ք եւ մի՛ վախնա՛ք: Լսեցի՛ք ինչ որ ըսի ձեզի, թէ “Ահա կ'երթամ, բայց կրկին պիտի գամ ձեզի”: Եթէ զիս կը սիրէք, ուրախ պիտի ըլլաք որ Հօրս կ'երթամ, որովհետեւ Հայրս ինձմէ մեծ է: Այս բոլորը ձեզի ըսի նախ քան պատահիլը, որպէսզի երբ պատահի՝ այն ատեն հաւատաք: Այլեւս երկար պիտի չխօսիմ ձեզի, որովհետեւ ահա կու գայ այս աշխարհի իշխանը, որ իմ վրաս ոչ մէկ

իշխանութիւն ունի: Բայց աշխարհը պէտք է գիտնայ թէ ես Հայրը կը սիրեմ եւ ա՛յդ է պատճառը որ ինձի բոլոր պատուիրածները կը կատարեմ: Ելէ՛ք, երթանք այստեղէն»:

ԱՉԱՏՈՒԹԻՒՆ

ՆԱՆԻԱ ՓԻԼԻՊՈՍԵԱՆ

Երկրի մը Սահմանադրութիւնը այն իրաւական վաւերագիրն է որուն իշխանութիւնը կը գերազանցէ երկրի բոլոր օրէնքներուն եւ կառավարող մարմիններուն: 1776-ին երբ Ամերիկայի միացեալ 13 նահանգները իրենց անկախութիւնը առին Անգլիայէն, սահմանադրութիւն մը պատրաստեցին որպէսզի ամրապնդեն իրենց նոր ձեռք բերած իրաւունքները: Նախաբանին մէջ կը կարդանք ինչու համար աս քայլը կարեւոր էր: Անշուշտ ստեղծելու կատարեալ միութիւն, հաստատելու արդարութիւն եւ ներքին խաղաղութիւն եւ նաեւ ապահովելու ազատութեան բարիքները:

1789-ին միեւնոյն ձեւով Ֆրանսայի յեղափոխութենէն ետք, նոր կառավարութեան առաջին գործերէն մէկը եղաւ սահմանադրութիւն մը պատրաստել որ կը ներառէ մարդկանց եւ քաղաքացիական իրաւունքներու հռչակագիր մը ամրապնդելու համար այն իրաւունքները եւ ազատութիւնները որ ժողովուրդը ձեռք բերաւ թագաւորը տապալելով:

Արդի պատմութեան մէջ այս 2 դէպքերը արմատն են որուն վրայ հիմնուած են այն բոլոր ազատութիւնները որ մենք կը վայելենք այսօր արեւմուտքի մէջ: Վերջին 200 տարիներու ընթացքին որքան փոխուած է աշխարհը, որքան ազատութիւններ ունինք այսօր որ մարդիկ 300 տարիներ առաջ չունէին, ազատ ենք մտածելու, երթալու, գալու, գրելու, արտայայտուելու, հազուելու եւ մանաւանդ Աստուած պաշտելու:

Այս երկու պարագաները առաջին օրինակները չեն աշխարհի վրայ, մարդ արարածը ամէն անգամ որ կաշկանդուած է, ազատութեան ձգտած է: Քրիստոսի գալէն առաջ Հրեայ ժողովուրդի գաւակները նման պարագայի մէջ կը գտնուէին, հռոմէական կայսրին լուծին տակ էին, ծանր տուրքերու ենթարկուած, գերի տարուած,

անհամբեր կը սպասէին այն Մեսիային որ պիտի գար եւ գիրենք ազատէր, Հին Կտակարանի խոստումին համաձայն:

Նոր Կտակարանին մէջ Քրիստոս շատ անգամ ազատութեան մասին կը խօսի, բայց որեւէ մէկ տեղ Յիսուս չ'ըսեր. ես եկայ գերինները իրենց տէրերուն ձեռքէն ազատելու, կամ չ'ըսեր ես եկայ ձեզ մաքսաւորներէն եւ տուրք վճարելու պարտականութենէն ազատելու. բայց ի՞նչ կ'ըսէ Յիսուս: ԱԻԵՏԱՐԱՆ ԸՍՏ ՅՈՎՀԱՆՆԵՍԻ 8:31. «Եթէ իմ խօսքիս մէջ մնաք, ճշմարտապէս իմ աշակերտներս կ'ըլլաք ու ճշմարտութիւնը պիտի գիտնաք, եւ այդ ճշմարտութիւնը պիտի ազատէ ձեզ»:

Ահաւասիկ ճշմարտութիւնը. Յիսուս աշխարհ եկաւ, խաչին վրայ մեռաւ մեր մեղքերուն համար, որպէսզի մենք յաւիտենական կեանք ունենանք: Հոս յեղափոխութիւն չկայ, հոս յեղաշրջում չկայ, պատերազմ չկայ: Այս ճշմարտութեան պատճառաւ քրիստոնէութեան մասին կ'ըսեն ազատութեան կրօնքը: Ուրիշ կրօնքներու մէջ անձը յաւիտենականութեան արժանանալու համար պէտք է շարք մը պարտականութիւններու ենթարկուի, օրինակի համար. օրը մի քանի անգամ աղօթել, ուխտի երթալ... եւլն: Հին Կտակարանին մէջ ալ եթէ տարուան ընթացքին մէկը մեղք գործէր, պէտք էր տաճար երթար եւ գառնուկ մը զոհ մատուցանէր, այդ անմեղ գառնուկին արիւնը մեղքերը կը սրբէր: Քրիստոս խաչին վրայ, այդ անմեղ գառնուկին պէս կեանքը զոհեց եւ իր վրայ առաւ ոչ միայն այս ատեն ապրող մարդոց մեղքերը հապա բոլոր գալիք մարդոց:

Այս ճշմարտութիւնը ամփոփուած է Մատթէոսի աւետարանի առաջին գլխուն մէջ, ուր կը կարդանք. «Ան պիտի ծնանի որդի մը, եւ անոր անունը Յիսուս պիտի կոչես, քանի որ ա՛ն պիտի փրկէ իր ժողովուրդը իրենց մեղքերէն»։ Ասիկա ճշմարտութիւնն է, Յիսուս մեզի մեղքերէ ազատութիւն տուաւ: Ինչպէս կը տեսնենք, այս տարբեր տեսակի ազատութիւն է քան այն ազատութիւնները, որոնց համար մարդկութիւնը պատմութեան մէջ պայքարած է: Մանաւանդ Քրիստոսի մօտեցումն ալ տարբեր է. կը կրկնեմ, հոս յեղափոխութիւն չկայ, Աստուածաշունչը կ'ըսէ, թէ Յիսուս օրէնքը չի ջնջեց, չի կործանեց, բայց օրէնքը կատարեց: Այս տարբերութիւնը կարեւոր է, որովհետեւ օրէնքը կատարելով Քրիստոս նոր ազատութիւններ չստեղծեց, յաւիտենական կեանքի կողքին վերահաստատեց այն ազատութիւնները, որոնք աստուածաշունչի մէջ կը

գտնուէին սկիզբէն ի վեր: Այս ազատութիւնները կրնանք A խումբի բաժնել.

Առաջինը մարդուն տրուած ազատ կամքն է, կամ ընտրութեան ազատութիւնը: Ազատ կամքը մարդուն Հիմնական ձեւի ազատութիւնն է: Ազատ կամքը միակ ազատութիւնն է որ մարդ արարած կրնայ ամբողջական ձեւով վայելել այս աշխարհի վրայ: Բոլոր միւս ազատութիւնները սահմաններ ունին: Արտաքսման կիրակիէն օրինակ մը՝ Ծննդոցէն քաղելով. ամէն Առաւօտ երբ Ադամ եւ Եւա կ'արթննային, ազատութիւնը ունէին Աստուծոյ հնազանդելու կամ Աստուծոյ չհնազանդելու: Սատանան բացատրեց Եւային ինչ պիտի պատահէր եթէ արգիլուած պտուղը ուտէր, բայց անոր չստիպեց որ ուտէ: Սատանան այդ իշխանութիւնը չունէր, Եւա ազատ կամքով կերաւ: Սուրբ Յովհաննէս Ոսկեբերան կ'ըսէ. «Չարը չի կրնար վնասել մարդուն եթէ մարդ չվնասէ ինքզինքին»։ Աստուծոյ խօսքին մէջ յաճախ կը տեսնենք որ մարդը իր սեփական ճակատագիրը կ'որոշէ: Երկրորդ Օրինաց գիրքին 30-րդ գլխուն 15-19 համարներուն մէջ Տէրը կ'ըսէ. «Նայէ ես այսօր կեանքն ու բարին, չարն ու մահը քու առջեւ դրի, բարին ընտրէ որպէսզի ապրիս եւ շատնաս»։ Շատերը չհաւատացին սխալ ընտրութիւն ըրին, բայց շատերը շիտակը ընտրեցին: Այսօր Մարդիկ ինքզինքնին “աթէիստ” կը կոչեն, ընտրած են հաւատալ որ Աստուած գոյութիւն չունի, այս ալ ազատ կամք է, Աստուած չի ստիպեր որեւէ մէկու իր զաւակը ըլլալու: Բայց իր զաւակներուն հետեւեալը կ'ըսէ. «Ուստի հաստատու՛ն կեցէք այն ազատութեամբ՝ որով Քրիստոս ազատեց մեզ, եւ դարձեալ ստրկութեան լուծին տակ մի՛ կաշկանդուիք» Գղ 5:1: Մինչեւ կեանքին վերջին շունչը հաւատացեալը կը պահէ իր ազատ կամքը:

Անոնք որ կ'ընտրեն հաւատալ՝ յաւելեալ ազատութիւն մը կ'ունենան. Գաղատացիս 4:7 «քանի որ դուք որդիներ էք, Աստուած ձեր սիրտերուն մէջ զրկեց իր Որդիին Հոգին, որ կ'աղաղակէ. Աբբա՛, Հա՛յր»։ Հետեւաբար ա՛լ ստրուկ չես, հապա՛ որդի. ու եթէ որդի, ուրեմն՝ Աստուծոյ ժառանգորդը Քրիստոսի միջոցով: Հոս կարգավիճակի փոփոխութիւն կայ կարգավիճակի բարցրածում, ծառայէն որդիի:

Աստուծոյ զաւակ ըլլալը մարդուն կարգ մը հրաշալի առանձնաշնորհումներ կը պարգեւէ.

1- Ապահովութիւն. ստրուկը միշտ վախի մէջ կ'ապրի, վախ որ սխալ բան ընէ եւ պատժուի, գործէն դուրս դրուի: Զաւակը երբ վախ ունենայ

հորը կը դիմէ ապահով գգալու համար: Հո 8.15 «քանի որ դուք չստացաք ստրկութեան հոգին՝ դարձեալ վախճալու համար, հապա ստացաք որդեգրութեան՝ հոգին, որուն միջոցով կը գոչենք. Աբբա՛, Հա՛յր»:

2- Իշխանութիւն. ծառան իշխանութիւն չունի. կ'ընէ ինչ որ իրեն ըստի, Աստուծոյ գաւակները իշխանութիւն ունին մեղքին վրայ, ստանային վրայ, որովհետեւ գիտեն թէ Աստուած յաղթեց աշխարհին:

3- Աստուծոյ գաւակները ազատութիւն ունին անձնական յարաբերութիւն ունենալու Աստուծոյ հետ:

4- Աստուծոյ գաւակները իր ժառանգորդներն են. Հո 8.17 «ու եթէ գաւակներ՝ ուրեմն ժառանգորդներ, Աստուծոյ ժառանգորդներ եւ Քրիստոսի ժառանգակիցներ»:

Այս համարը կը շարունակէ ըսելով՝ «որպէսզի եթէ չարչարուինք իրեն հետ, նաեւ փառաւորուինք իրեն հետ»: Հոս կը տեսնենք թէ հաւատացեալը հոգեկան ազատութիւն ունի: Իսկ այս հոգեկան ազատութիւնը մարդուն խաղաղութիւն կու տայ

որ գերազանց է հասկացողութենէ: Պիտի պատահի որ ունենանք դժուարութիւններ, փորձութիւններ եւ փորձանքներ. այն պահուն Աստուծոյ շնորհքը բաւարար է: Որովհետեւ հոգեկան ազատութիւն ունէին Պողոս եւ Շիղա Հռոմէական բանտին մէջ, կրնային երգել եւ Տէրը Փառաւորել:

Վերջապէս շատեր կը մտածեն թե ազատ ըլլալ կը նշանակէ ուզած բանդ ընել ուզած պահուող բայց իսկական ազատութիւնը ճիշտ բանը ընել է: Մենք ազատ ենք հնազանդ ըլլալու: Ազատ ենք Աստուծոյ կամքը կատարելու:

Օր մը մարդ մը կը մօտենայ Մարթէն Լուտերի եւ կը հարցնէ, թէ ինչպէ՞ս կրնայ ծառայել Աստուծոյ: Լուտեր մարդուն կը հարցնէ թէ ի՞նչ է իր արհեստը, մարդը կը պատասխանէ. կօշկակար, ուրեմն - կ'ըսէ Լուտեր - լաւ, որակաւոր կօշիկներ շինէ եւ զանոնք արդար գինով ծախէ: Աստուած ամէն մէկս կը ճանչնայ, մեզի պատահմամբ չէ որ հոս դրած է եւ պէտք չունինք աշխարհի միւս կողմը երթալու որ բարիք ընենք: Մեր ազատութիւնը լաւագոյն ձեւով գործածած կ'ըլլանք, երբ մեր ամէն խօսքով եւ ամէն գործի մէջ տէրը փառաւորուի:



ՀՈՎԱՆԱԴՈՐՈՒԹԵԱՄԲ
ԳԵՐԱՇՆՈՐՀ Տ. ԲԱԲԳԵՆ ԱՐՔ. ՉԱՐԵԱՆԻ
ԱՌԱՋՆՈՐԴ
ԳԱՆՏԱՅԻ ՀԱՅՈՅ ԹԵՄԻ

ԿԱԶՄԱԿԵՐԴՈՒԹԵԱՄԲ
ՔՐԻՍՏՈՆԵԱԿԱՆ ԴԱՍՏԻԱՐԱԿՈՒԹԵԱՆ ԽՈՐՀՈՒՐԴԻ

ՎԵՐԱԿԵԴՐՈՆԱՅԻՐ

Երիտասարդական 10-րդ Համախմբում
9-10 ՅՈՒՆԻՍ 2018

IAWAH բանակալայր

ԱՐՁԱՆԱԳՐՈՒԵԼՈՒ ՀԱՄԱՐ ՀԵՌԱԶԱՅՆԵԼ
ԱԶԳԱՅԻՆ ԱՌԱՋՆՈՐԴԱՐԱՆ (514) 856-1200
ԼԱԻՎԼ (450) 688-6795
ԹՈՐՈՆԹՕ (647) 838-0097
ԳԵՄՊՐԻՃ (519) 623-6372
ՎԱՆԳՈՒՎԸՐ (614) 626-9627
ՍՈՆԹՐԵԱԼ (514) 331-5445 X202

ԿԱՍ ԱՅՅԵԼԵԼ՝ WWW.ARMEIANPRELACY.CA
ԺԱՍԿԵՆ՝ 20 ՄԱՅԻՍ 2018
ՄԱՍՆԱԿՑՈՒԹԵԱՆ ՍԱԿ՝ \$80